



Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 28. Franciscus de Judice Cardinalis mortuus.

[urn:nbn:de:hbz:466:1-67667](https://nbn-resolving.de/urn:nbn:de:hbz:466:1-67667)

§. XXVIII.

*Franciscus Judice Cardinalis
mortuus.*

Sæc. XVIII.
A. C. 1725.

Eundem annum vitæ suæ funestum habuit Franciscus de Judice patria Neapolitanus, quem Nicolaus Giovenazzi Dux ac Cellamaræ Princeps ex Hyppolita Polagona Anno 1647. die septima Decembbris susceperebat. Puer adhuc in patria humanioribus literis vacabat, adolescens vero Romam profectus, sacratoribus disciplinis totum sese impendebat: Pontificiorum dein iurium, quorum cognitionem oppido profundam hauserat, acerrimus existit propugnator, unde a Clemente IX. Protonotariis Apostolicis accensitus, a Clemente X. Pro-Legatus Bononiensis, Fani Gubernator, ac tandem Cameræ Apostolicæ Clericus nominatus est. Cuncta hæc munia Franciscus tanta æquitatis laude obibat, ut virtutes, quibus eminuit, unice in consilio habuisse, nec præter illarum præscriptum quicquam unquam egisse videretur. Horum itaque meritorum suffragio ad preces Caroli II. Regis Catholici sacro Purpuratorum Collegio adscribi promeritus est, non ut is a Purpura splendorem, sed ut Purpura Eccles. Tom. LXXII. L pura

Sæc. XVIII. A.C. 1725.

pura a virtutum splendore novum gloriariae additamentum reciperet. Ejusdem Regis munificentia pluribus cumulabatur beneficiis, ac sacratiori Senatus adscriptus, summa Regni negotia in Curia Romana procurabat, nunquam de honoris dignitatisque excellentia laetus, nisi dum exin occasionem nactus est, qua animi sui dotes in Sedis Apostolicæ, Regisque sui obsequio utiliter impendere posset. Mortuo autem hoc Rege Philippus V. Franciscum, cuius fidelitatem in adversis inviolatam noverat, Siciliæ Pro-Regem constituit; quocirca die vigesima Decembris Anno 1701. Roma profectus, Pannorum appulit, mitique suo, quo instructus erat, ingenio, Siculas gentes tam feliciter rexit, ut inter bellorum nubila, & crebras præcipue Neapolitanorum seditiones incolæ in Regis sui fide immoti persisterent: Postea Montis Regalis Archiepiscopus in Sicilia nuncupatur, ubi Pro-Regis munus Marchioni Bedmaro cessit, ac demum Roman reversus est: Cæsareis autem Siciliam occupantibus, ipse omnibus suis reditibus spoliatur, eoquod totis viribus obstitisset, ne Carolus III. pro Hispaniarum Rege a Papa agnosceretur. E contrario Philippus Hispaniæ Rex in damni compensationem & fidelitatis præ-

præmium Franciscum Indiarum Pa-
triarchatu decoravit, ipse autem tæ-
dio affectus, relicta Roma Genuam,
& postea in Hispaniam secessit, summi
Inquisitoris munere cohonestatus: Pau-
lo post a Philippo V. ad componenda
quædam dissidia ad Franciæ Regem
Legatus decernitur, quo munere tam
prospere functus est, ut non modo am-
bos hosce Reges conciliaret, sed &
Ludovicum XV. eo induceret, ut au-
xiliates copias contra Catalaunos Cæ-
fareis addictos submitteret. Quoniam
vero Principum favor, & Clientum
felicitas vix unquam adversus æmu-
lorum invidiam satis, diuque tuta est,
ita Franciscus e Galliis in Hispaniam
reversus, vix non livoris, ac Regiæ
indignationis victima cecidit; post-
quam enim Elisabetha Farnesia Catho-
lici Regis secunda Uxor ex Italia in
Hispaniam pervenerat, Itali partim
eam comitantes, partim jam antea
Madriti degentes, nescio quibus arti-
bus Regis gratiam sibi conciliabant,
unde affectu velut in plures diviso re-
missor erat Regis propensio in solum
Franciscum, cui etiam non parum ob-
fuit singularis gratia, qua Rex Julium
Alberonium Cardinalem honorabat.
Accessit demum ad infelicitatis cumu-
lum, quod Franciscus pro Inquisitoris

Sæc. XVIII.
A. C. 1725.

Sæc. XVIII. munere die 30. Julii 1714. decretum
A. C. 1725. ediderit, quo varios libellos gravissi-
ma censura castigavit, quia in illis
Principum sæcularium potestas ita ef-
ferri videbatur, ut Pontificiæ auctori-
tati multum detraheretur. Inde ergo
captata occasione Francisci Cardinalis
æmuli eundem Philippo Regi adeo
exosum reddebat, ut Regno abesse
juberetur, donec hoc decretum revo-
casset. Ast id a Viro propositi sui te-
nacissimo impetrari haud poterat; ejus
tamen sagacitas suppeditabat media,
quibus denuo Regis gratiam recupe-
rare, ac liberum ad Aulam accessum
obtinere posset, sponte abdicato Inqui-
sitoris munere. Hoc paulopost eidem
rurus collato, insuper Rex Asturæ
Principem Francisco instituendum tra-
didit, illumque omnium arcanorum
arbitrum adhibuit: Attamen hæc ipsa
secundæ fortunæ auræ, consueto hu-
manæ felicitatis vitio, haud diu spira-
bat; Alberonius enim, cum in Regis
gratia rivalem haud pateretur, totus
in eo erat, ut sinistram de Francisco
opinionem Regi instillaret, eumque
de gubernaculis dejiceret: Suggerebat
igitur, Franciscum officiorum copia
obrui, singulis ergo satisfaciendo im-
parem, in quolibet deficere, non sine
luculento Regii Principis ac Reipublicæ
detra-

detrimento: Id sibi facile persuasum
habebat Philippus, mox igitur Fran-
Sæc.XVII.
cisco præcepit significari, ut vel In-
quisitoris, vel Moderatoris Regii officio
A.C. 1725.
cederet: Nuntium Cardinalis non mi-
nor verborum humanitate, quam tran-
quillitate animi excepit, & utroque
simul munere se abdicavit, ac demum
insalutato Rege ex Hispaniis Genuam
contendit, ubi ad dissidia, quæ inter
utramque Aulam tum exorta erant
componenda Taurinum proficisci, a
Papa jussus est. Defuit quidem co-
natui successus; Franciscus tamen Ro-
mam reversus, per honorifice excipi-
tur, & primum Congregationis S. Of-
ficii Secretarius, postea Præfectus Con-
gregationis de Immunitate Eccle-
stica, ac tandem Prænestinus Episco-
pus renuntiatur. Nondum tamen per
eius absentiam deferbuit concepta Hi-
spani Regis indignatio; ejus enim jussu
Cardinalis Aquaviva Francisco signifi-
cabat, Regem velle, ut Palatio, quod
Hispani dominii esset, excederet, &
Regia insignia ex ædium suarum fori-
bus abstraheret: Paruit Cardinalis, &
relictis Hispanorum studiis Caroli VI.
Imperatoris partes eo pronius suscepit,
quo æquiorem Regem Neapolitano in
folio regnantem Neapolitanus ipsem
intuebatur: Exin igitur sacratori Cæ-
sar

L 3

Sæc. XVIII.
A. C. 1725.

saris Senatui adlectus, omnibus, quibus antea spoliabatur, redditibus restituitur, oblatis a' Cæfare in damni compensationem quadraginta aureorum millibus, quam tamen pecuniæ summa ad Imperatorem remisit, paulo post Cæsareus apud Pontificis Aulam Orator & Consiliarius renuntiatus. Postquam vero Comes de Daun Neapolitani Regni Pro-Rex Romam venerat, Franciscus eidem obviam processit, ejusque Conjugi epistola m ab ipsa S. Theresia exaratam, unacum ejusdem Divæ ossibus dono dedit: demum vero relicto Prænestino Episcopatu ad Tusculanam Ecclesiam vocatus, postquam Ursinius S. Collegii Decanus D. Petri cathedram concenderat, ipse ad Decanatum, necnon ad Ostiensem & Veternum Episcopatum pervenit: paupero post tamen gravi morbo correptus, die decima Octobris anno ætatis septuagesimo octavo decepsit. Corpus illius ea pompa, quæ S. Collegii Decanis deferri solet, expositum fuit in Ecclesia S. Marcelli, postea Neapolin translatum, ubi in Ecclesia Patrum Carmelitarum in gentis suæ sepulcro quiescit. Princeps erat magnanimus, prudens, in rebus politicis versatissimus, semper sibi constans, & nec in adversis dejectus, nec in prosperis elatus,

latus, in omnibus rebus oppido splen- Sæc. XVIII.
didus, adeo, ut dum Benedictus XIII. A.C. 1725.
edito decreto Purpuratis profusorem
pompam & luxum inhiberet, ipse con-
suetum apparatum imminuere detrecta-
ret, caussatus, se natalium sorte Prin-
cipem esse, proin a pompa suæ digni-
tati congrua, qua per triginta quinque
Cardinalatus sui annos usus esset, nil
se remittere posse.

§. XXIX,

*Josephi Valemani Cardinalis
Obitus.*

Sub idem ferme tempus pari fato vi-
vis ereptus est Josephus Valema-
nus patria Fabrianensis, qui ex nobi-
lissimis Parentibus ortus, a teneris
annis humaniores disciplinas studiose
addidicit: postea Romam delatus,
severioribus scientiis animum adjecit,
atque in Universitate Maceratensi Ju-
risprudentiæ studio incubuit, Docto-
ratus laurea decoratus. Romam re-
dux, inter Aulicos Æmilii Cardinalis
de Altieriis recipitur, prospera plane
forte; hoc enim ad supremi Apostola-
tus dignitatem evocato, Valemanus
primo Cubicularius ac Pincerna Pon-
tificius, postea Vaticanæ Ecclesiæ Ca-
nonicus, & Tabularii Custos in arce

L 4

S. An-